

之威，將不堪其銳，乃遁去，併合諸種民，再締縱約，謀於白達達部長酋阿喇忽，思欲與協力擊之，

阿喇忽思投鑊木真，訐其謀，鑊木真怒，遽興師襲

乃壘，太陽汗戰死，其子屈出律引餘眾遁至塔米爾

河，遂盡收其地。先是：鑊木真四面受敵，尚未敢

狡逞也，及滅克烈破乃壘敗韃靼，盡收其士卒使屬

麾下，四鄰震懼，於是駸駸有窺伺強國之志。元年

——一二〇六年——當宋開禧二年金泰和六年，錢

木真內襲西夏，——唐古忒種族在甘肅稱為甯夏府与

中興府建都於此——大掠而還，是歲十二月，大會

所部酋長於斡難河之源——鄂嫩河——為盟約，欲

以統一全世界，乃建九旒白旗，行即位禮稱帝，部

下亦同時上尊号，稱成吉思汗，定律令以為制度之  
大綱。成吉思汗；初不過小部落一酋長，至是西自  
厄爾齊斯河源；東至斡難河，北自貝加爾湖，南至  
西夏以迄於金所轄境，盡率其種民遷徙之，威望赫  
赫，聞者震恐。當其會諸酋長於斡難河源也：乃蠻  
部酋長屈出律獨不來會，成吉思汗大憤，決計討之

，捕其族類，盡畧其家畜財寶，乃蠻部民不服，糾

各種民，擁屈出律及蔑里乞部酋長遠徙，北渡厄尔

齊斯河，蒙古兵之由中央亞細亞而及歐羅巴，討滅

大小數十國，其端即肇於此！二年——一二〇七年

——成吉思汗怒西夏違約不納貢，再出兵討之，蹂

躡其國之一部，是歲：克穆格木受特——同在瓦尼

塞河流域——及稽尔奇思等種民，均來降，當其討

西夏時，屈出律眾聚於厄尔齐斯河之北以謀叛，成

吉思汗欲滅之，乃自西夏還。三年——一二〇八年

秋：襲破衛拉特，以其民補充士伍，因進兵擊

屈出律於厄尔齐斯河，屈出律兵敗，逃於契丹。四

年——一二〇九年——再攻西夏，乘勝進逼中興府

，圍其都城，引黃河之水以灌之，國王李安全納其  
女請和，圍遂解。翌年，畏吾兒種民酋長及黑契丹  
所屬之小種民，相率來降。畏吾兒者，素号強國，  
其民習農業，不事游牧，文明稍有可觀，成吉思

善其文字，因採用之。六年——一二一一年——成

吉思汗既由日本海及黃河沿岸而至厄爾齊斯河；拓

地至西伯利亞暨中國邊境，雄視諸部，視金巴弗復

措意。先是成吉思汗納歲幣於金主，金主使衛王赴

靜州受之，成吉思汗不禮焉，衛王歸，欲徵兵問其

罪，金主殂，不果。後衛王即帝位，屢遣使欲來

拜，成吉思汗問曰，新帝為誰？使共曰，衛王也，

成吉思汗曰，吾以為中國皇帝；若天上之人，乃此

庸懦者為帝乎，遂與金絕。復以金主惡蒙古強，數

數殺其宗親，謀所以復讐，乃決計使遮別伐金，自

居庸關入抵中都，又使朮赤察合臺窩濶臺等分徇各

地。八年——一二一三年——成吉思汗分兵三道擊

金；以朮赤察合臺窩濶臺等領右軍，循太行山以畧

河北西路，——直隸山西兩省之南部——以哈撒兒



幹陳那顏等領左軍，沿海岸以徇遼西各地，自與拖  
雷領中軍，畧河北東路——直隸之東南部——俄而  
三道兵會於中都北郊，諸將欲乘勝直逼燕京，成吉  
思汗不許，遣使諭金主曰：汝〔山東河北之地，既為  
我有，汝所守者，惟燕京耳，天既弱汝，我亦不汝  
迫，欲我還軍，其搗師以弭諸將之怒。〕金主諾；請

獻其公主及金帛童男女五百馬三千以和，遣丞相完

顏福興，送成吉思汗出居庸關，自是金主遷汴京。

——河南開封——避之。同年，命撒沒哈拔都等，繞

潼關進畧汝州數府，意圖入窺汴城，旋以深入兵單

，向汝州退。初，成吉思汗之定燕京也，求遼宗室

，得耶律楚材，一見悅之，使參國政，謂其子窩濶

臺曰，此天以此人賜我家，尔後軍國庶政，可悉委  
之，毋無負我也。及韃靼西部亂，復任部將木華黎  
為魯国王大師，委以征伐之事，曰，大行以北，吾  
自徑畧之，大行以南，卿其勉之。其用人推心置腹  
，勿有疑貳，大率類此。十三年——一二一八年——  
自將大兵，從事西征，時蒙古屬地之西南，有黑

契丹花刺子模者，号二大国，各雄視一方。黑契丹者：遼宗室耶律大石之所創立，或称西遼，金之亡遼也，耶律大石率其餘衆，走土耳其斯坦，以力臣服畏吾兒花刺子模篤蒲鄂克薩等部，建為強國而自稱大汗，其領土所暨，自西藏阿模河至悉比里西部，惜其子孫不才，不能上纂祖業，至直魯古而國運

日就式微，曩之臣服者，皆相繼叛去，其位遂為乃

璽汗屈出律所篡。黑契丹帝位無所改革；又以回教

為不善，強令改奉別宗，由是人心日離，國勢益以

不振。成吉思汗發兵二萬，欲討屈出律，使其將哲

伯替之。先是花刺子模國有黨爭，互相傾軋，國力

漸不競，成吉思汗乘隙圖之，以互市為名，遣人至

其國，覘內情，察地勢，花刺子模之士丹瑪哈默覺而殺之，成吉思汗因遣使問罪，且促其償，瑪哈默怒，又斬其使者及斷其屬吏二人之鬚而返之。瑪哈默既斬使，聚兵於撒馬兒罕，將與黑契丹合師攻成吉思汗，合茂里克種民，被逐於蒙古，走依花刺子模海以北之乾葛雷地方，瑪哈默因完聚，遂弗果。

哲伯既進黑契丹地；又進逼喀什噶爾，乃以宗教自由陰煽其民，回教徒大喜，突入屈出律兵營為亂，

所部四散，哲伯因率其降卒，躡追至巴達克山，捕

而誅之，自是黑契丹復為蒙古所有。時瑪哈默完衆

畢，憤蔑里乞之被逐也，從撒馬兒罕北進，將迎擊

蒙古兵，蒙將遣使請成，且以合兵擊滅蔑里乞平分

其俘虜軍實為請，瑪哈默不許。當是時；瑪哈默所部，倍蓰於蒙古軍，蒙古軍奮勇力戰，已破其左翼矣，將突擊其中軍，瑪哈默之子扎蘭丁率右翼兵破蒙古軍，見中軍勢危急，曰：『不往援，中軍必敗，中敗右翼危矣，』乃接戰至暮，蒙古兵不支，遂宵遁。

· 成吉思汗既畧黑契丹；十四年——一二一九年——



一將親征花刺子模國，師次厄爾齊斯河，瑪哈默聞之，惧失色，因分兵扼駐駕蘭鄂克薩花刺子模二府，為固守計，部中有建議者曰：成吉思汗不憚勞師，襲遠，士馬疲頓，乘其初至，突擊之，此上策也，不尔者；扼西尔阿模二河，深濬高壘以老之，亦足制其死命。瑪哈默均擯不用，成吉思汗偵知之，遂

自厄爾齊斯河岸，進向西爾河，如入無人之境，將  
抵鄂多拉，分所部兵為四團，以求赤察哈其窩潤臺  
等分領之，令襲西爾河沿岸諸府，而自率本軍向布  
哈爾，遮篤蘭鄂克薩之一部，以絕其應援。諸將部

署既定，分道前進，察哈其窩圍攻鄂多拉城，一月而  
拔之。赤赤既屠什克南；又進畧武都肯卷吉干等府

，其分薄伯肯那霍圍土堡塞者，旋亦以次陷下，瑪  
哈默復簡精銳，築堅城於西爾河之一島，將移防焉  
，卒不支，遂遁至玉龍傑赤——基華——與扎蘭丁  
之兵合。十五年——一二二〇年——三月；成吉思  
汗率其子拖雷設伏於布哈爾，與敵兵二萬鏖戰，伏  
發，殲其全軍，奄有布哈爾，大肆掠奪，以火炬之

，全府蕩然，又虜其衆，使居軍中充工作，成吉思  
汗時駐鐵門關，金主遣使者遺書稱之為兄，以請和  
，汗不許。既而成吉思汗進薄撒馬兒罕，圍其都城  
，守陴兵益氣沮無鬥志，由是乾葛累種民與其他審  
判官及僧官等先後開城降，時四月一日也，成吉思  
汗因夷其壘寨，驅市民於府外，縱兵掠之，乾葛累

降者萬人，盡戮之而奪其財產。成吉思汗之在撒馬  
兒罕也：瑪哈默退走渡阿模河，聞其兵少，以三萬  
騎遣哲伯速不臺二將當之，且戒之曰：汝等如遇強  
敵，慎勿與戰，以待我軍之來，反之而敵兵有退卻  
者，速尾擊之，堅城避之，降者宥之，抗者剽絕之。  
諸將均奉命。瑪哈默於四月十八日退至尼沙布，

聞敵兵已抵花刺，乃率麾下數十騎，託言游獵向伊  
臘克遁去，及覺，居民知敵兵漸近，闔府騷動不已  
。是時哲伯速不臺既渡阿模河入巴爾克，居民獻方  
物，輸誠歸附，無何，蒙古歸鋒至尼沙布，哲伯等  
亦至，遂分兵二道，以速不臺向達默干先喃等為一  
路，以哲伯向瑪蘄笛蘭為一路，師抵列伊府，復會

合，大屠其居民！初：瑪哈默之發尼沙布也，赴喀  
斯賓約，將集衆三萬，以厚兵力，及聞伊列府被焚  
，遂倉卒赴奇梁；沿裏海，向瑪蘄笛蘭遁去。其後  
阿模爾首都告陷，失所根據，自知大勢已去，復逃  
裏海小島中，每念及妻妾子女之被虜，輒怏怏不樂  
，遂卧病，以扎蘭丁為嗣，授之以劍，令諸子悉奉

命焉，時十六年——一二二一年——二月十日也！

吁！瑪哈默自與兵以來：凡所計畫，以戰則勝，以

攻則取，併吞諸部，國土日拓，傲然雄視一方，後

卒為蒙兵所感，潛身小島，負竄以死，葬之日，竟

身無完衣云！！成吉思汗既拔撒馬兒罕：張營於諾舍

甫近傍，休養馬匹。是歲秋，瑪哈默諸子，大募兵



於花刺子模，乃謀聞知之者，遂遣朮赤察合臺及窩  
潤臺各部所部赴防於花刺子模，復進擾花刺散，以斷  
其去路，一面分駐花刺子模曠原之南端以扼之，及  
扎蘭丁抵涅薩，蒙兵已先薄涅薩，遂奮勇突擊，破  
其衆，其後諸弟之遁，將抵涅薩，亦為蒙兵所襲，  
均死之！瑪哈默諸子之得免花刺子模難也：無幾人

，赤朮乘勝將兵五萬，圍其都府玉龍傑赤——基華

——是役也，赤朮與察哈臺不和，故屢攻不下，成

吉思汗聞之，使窩濶臺大率進攻，成兵死守苦戰，

亘七晝夜始陷，居民除職工等遣送蒙古外，餘皆殲

焉，蒙兵大掠，決後渠水，以淹其府。當赤朮等之

攻花刺子模也；成吉思汗親將別軍拔帖默度，分兵

畧定巴達克山一帶，明年春，徒涉阿模河，謀攻巴

爾克，居民惧，躡其後，悉屠之，縱火燔其府，壘

盡燬，遂向塔列干城前進，城守兵周堵防禦，相持

七閱月乃下，居民屠戮無孑遺！十六年——一二二

一年——二月：拖雷將兵七萬入迷魯，赴尼沙布圍

之，府民剛勇，奮激防戰，蒙兵死傷頗多，不能下

，於是潛穿隧道七十餘處於城內，居民不能支乃降，屠殺四日，積尸遍野，大封京觀而還，其幸免者職工四百人而已。拖雷既下尼沙布，攻希拉土拔之，欲與其父朮赤之軍合，向塔列干進發，是時成吉

思汗聞扎蘭丁大破蒙古兵，擬合拖雷察哈臺窩濶臺等兵，親自督戰，扎蘭丁望見蒙古軍，駭其衆，自

知力絀不可敵，退而陣於奇斯尼；又退而陣於印度  
河上，成吉思汗冒夜疾驅，欲扼所渡以擒之，既而  
扎蘭丁之軍至，遂襲擊，破其兩翼，因圍之，將生  
擒焉。扎蘭丁知不免，策馬潰圍而出，蒙古軍皆披  
靡，於是疾馳印度河，自高岸投河中，見水向突里  
遁去，泳而從者，都四千人，成吉思汗大嘉其勇，

雖尾擊，終不得其踪，時十七年——一二二二——

也！奇斯尼者：扎蘭丁之封土，窩濶臺慮其再來募

兵謀報復，乃以調查人口為名，聚居民於府外，盡

殲焉。初：扎蘭丁之勝蒙兵也；希拉土居民亦欲叛

蒙古，殺其所駐官吏，成吉思汗遣部將以兵五萬討

之，希拉土居民拒戰數月，因內訌，竟於十七年六

月為蒙兵所陷，屠其府；掠其子女玉帛，縱火焚之

，越七日而還，與本軍合，希拉土素以富庶稱，是

役免者僅十有六人，蒙兵屠殺之慘，大抵如此！先

是金主屢遣使請和；是歲又復申前議，成吉思汗以

所求太酷，卒不成議。是時木華黎南畧濟南東平

——山東省地——等地，渡黃河轉向西夏，西夏請以

兵五萬援助，願毋進攻，木華黎既得援，南馳圍延

安——陝西省地——迭設伏破敵，城堅卒不能拔，

乃轉而寇晉南，十八年——一二二三——木華黎軍

退，同時成吉思汗與其將窩濶臺等，率前此討滅花

刺子模及追擊扎蘭丁之兵，沿印度河而歸，二十年

十二月凱還。哲伯速不台之躡追士丹瑪哈默也：不



得其踪，乃轉戰諸方，成吉思汗慮其深入，因遣術  
赤赴西海裏海以北援之，以本部兵與遠征軍互為策  
應，數年之間，平波斯；併高加索，侵入俄羅斯國  
境。十九年——一二二四——五月：與俄兵戰於噶  
爾喀河岸，大破之，遂長驅北上，下土尼伯爾河，  
進薄哥力密，所至，大掠而還。二十年——一二二

五——冬：成吉思汗之凱還也，以質子責西夏；西

夏弗聽，以容納蒙古讐敵，授之以職責之，又弗聽

，成吉思汗怒，議與師伐之，以軍實不足，諸將建

議屠其所併金州郡，以為牧地，耶律楚材不以為然

，乃命楚材定租稅賦課之法，至太宗朝，頒為定制

·二十一年——一二二六年——二月：成吉思汗入

西夏，使察哈台督後軍，所至焚殺無唯類，復派兵圍其都城甯夏；而自領兵南討金。成吉思汗雖年邁，然混一區宇之念弗少衰，二十二年——一二二七

年——五月：躬率大兵由平涼——甘肅省——至鳳

翔——陝西省——是時西夏都城陷重圍中，夏王李

峴請降，以一月為期，不許，俄而成吉思汗罹病，

殂於六盤山——甘肅平涼府——臨殂，以方畧示其

左右曰：金之精兵在潼關，其國南據連山，北限黃

河，難以遽破，欲破之，必假道於宋，宋於金為世

仇，必能許，我則以兵下唐鄧——河南省南部——

直擣汴京，汴京急，則金必徵潼關之兵入援，然以

數萬眾懸軍深入，士馬疲敝，雖至亦不能戰，破之

必矣。言訖，遂殂！壽六十有六，葬於起輦谷！

一在鄂爾多斯右翼中旗西北之阿爾坦山由河套外之騰格里泊稍北凡五里 蒙古源流攷歲次丁亥七月十

二日成吉思汗歿於圖爾點格依城於是以輦奉柩至永久之地金身不能出遂造長陵於其地建白屋八間其地在阿爾坦山之北哈岱山之南大諤特克之所建立陵寢

号為索多博克達大元成吉思汗取後元之後裔欲襲号  
者即位於白屋之前又蒙古游牧記曰名內蒙古鄂尔多  
斯七旗之盟處為伊克昭蒙古語謂大曰伊克謂廟曰昭  
伊克昭者即大廟之義也又理藩院則例伊克昭境內有  
成吉思汗墓廟鄂尔多斯七旗向為看守寢廟承辦祭祀設  
達爾哈特五百戶每年出銀五百兩以供祭祀及修理之

用於該盟內派扎薩克一員專司其事——二十二年——  
——一二二七年——七月也，後追謚曰聖武皇帝！  
廟  
号太祖！太祖雄才大畧深謀遠慮；善用兵最長於攻  
城野戰之畧，是以兵鋒所向無弗破，而行軍之迅速  
，犹如疾風勁草，恆予敵以不能備，自其始起兵以  
以破竹之勢，不數年戡定諸部，所殺人五百餘萬口

，滅國四十，其版圖之大，實為前古所未有！自中  
國海濱起，界日耳曼波蘭而併吞俄羅斯，除阿拉比  
亞印度外，亞細亞洲皆其領土！厥後三子分立；長  
子朮赤奄有斡維河阿速欽察等地，西自歐羅巴抵北  
洋水，東自阿爾泰至伊爾忒斯河，以土耳其斯坦全  
境封其二子察哈臺，以蒙古全部暨黑龍江封其三子



富潤臺。太祖既殂：越二年，太子富潤臺大會諸王

百官於怯緣連河灣——克魯倫河——之雕阿蘭，以

太祖遺詔即皇帝位曰太宗，為其數從太祖征伐，功

最高也。太宗量寬宏，謂耶律楚材能，故以國政委

之，庶民樂業，時号泰平！太宗二年——一二三。

年——八月：大發兵陷金堡寨六十餘，進圍鳳翔城

，翌年，下之，既而大舉侵略，勢如破竹。四年——

——一二三二年——進逼汴京，金兵善防禦，凡十六

日，兩軍死傷幾百萬！城守兵缺於糧，兼之疫厲流

行，死者九十萬衆，金帝知事不可為，乃出奔趙州

，叛兵內應，城遂下，——一二三三年——其將請

屠之，耶律楚材力諫……城內居民四十萬戶，皆賴

以安·六年——一二三四年——約宋共圍趙州，逼

其城，城中男婦，悉出任防禦，誓死守，至糧絕三

月，人相食，猶弗降，||金帝憂之，因自經死！降其

衆，||金至是遂亡！七年——一二三五年——||蒙古建

都於和林——和林在杭愛山之東鄂爾昆河与塔米尔

二河之間據元地理志太祖十五年建都於和林又据游

牧記和林建都實始於太宗非太祖之創建云二說未知孰是然元史所記太祖於十四年出師征中央亞細亞其後未歸且太祖所居之處見於本紀中者約在今之克魯倫河畔至太宗始遊暑於塔米爾在和林左近由是觀之則和林之建都始於太宗無疑况太祖十五年方征中央亞細亞軍事倥傯之際安得有建都之事乎游牧記所載

似可置信——太宗既滅金；大會百官，議攻高麗及  
嚙什末爾，既而定議先攻印度，次及歐羅巴，乃任  
朮赤之子拔都為歐羅巴攻伐軍總督；而令其諸子及  
太祖之子貴由發端，拖雷之子蒙哥等，率兵以從。

令速不臺隸屬於拔都以佐之，同時命其子曲出胡土  
虎南伐宋，唐古赤伐高麗。八年——一二三七年——

二月：蒙古兵自厄尔齐斯河原及阿尔泰山之西迤

西進發，向喀尔喀拉凌斯克阿古母稜斯克阿曼喀刺

該等處，緣奧稜堡綠而至富尔牙河，所過皆善水草

以故士馬飽騰，無餓渴患，拔都以一軍附速不臺使

征布尔加里亞，而自率大軍襲欽察及布尔達斯美克

善暨莫尔度及什尔喀善等地，於是拓地自裏海亞速

海而至俄羅斯，悉為蒙古有。九年——一二三八年

——十二月：攻陷倆薩尼，整兵北向俄羅斯前進，

時歲冬既屆，木葉凋落，河水冰結，人馬易渡而又

無設伏襲擊之虞，故蒙兵往往利用此時機，以四出

征伐，既攻畧倆薩尼，遂北破俄兵於科羅母那，深

入至莫斯科，繼軍大掠，旋令所部向烏拉的米爾前

進·十年——一二三八年——拔都抵烏拉的米爾，

偵知俄皇不在，乃分兵二路攻陷之，尋派兵分畧諸郡縣，下其堡寨無算。先是俄皇以兵力微弱，擬去

烏拉米的爾，而陣於錫的河，以待南俄之援，不意

蒙兵極迅捷，不二日已抵錫的河，時俄皇駐軍未定

，見蒙兵至，大駭，衆遂潰敗，俄皇死焉。其分兵



围土尔倭克者，亦同時陷之。十一年——一二三九

年——當拔都之圍斡富城也；兵甚衆，乃命將分擊

波蘭及加里西亞，而自將全軍，欲乘勝併波蘭；滅

匈加利，因析所部為四；以一軍襲波蘭，以一軍擣

細拉西亞摩拉維亞等處，而簡其精銳為<sub>兩</sub>軍，自將

之，由加里西亞向匈加利進攻。十二年——一二四

○年——三月：散度密尔及克拉科夫居民，与蒙兵  
戰於錫度羅，敗績，因分窺匈牙利日耳曼兩國，蒙  
軍遂攻克拉科夫拔，進至細拉西亞，渡鄂得尔河，  
向布列斯拉利·布列斯拉利者：細拉西亞之首府也  
，府民堅壁清野，據堡寨為固守計，蒙兵極攻數日  
不能拔，乃解圍去，轉而与德之十字軍戰，破之，

侵入摩拉維亞至波希米亞境，所向縱橫馳驟，大肆  
屠戮，繼之以火，波希米亞王遣驍將雅羅斯拉，禦  
之於摩拉維亞，且戒之曰；敵利平原，宜避之，但  
以全力防禦都府。雅羅斯拉奉命，即率步兵五千，  
騎兵五百，出守鄂里修，蒙兵逼之，大軍悉會府外  
合圍，城兵堅守不出，蒙兵屢思誘致平原，雅羅斯

拉嫻將畧，不為所動，守益嚴，六月二十四日夜，  
偵敵之無備也，突襲之，蒙將一人死焉，蒙兵自知

力絀，謀与拔都軍合，遂撤赴匈加利，拔都率之，

向匈加利進發。先是：拔都之南伐俄与波蘭也，

与加里西亞匈加利王盟，欲協以拒蒙古，乃遣兵据

喀尔巴特山諸險，伐木塞道，防禦備致，及蒙兵侵

入匈境，王復召諸臣議戰守策，卒以無民望，衆咸  
輕之，議論未定，而拔都兵已攻破喀尔巴特諸險要  
，間道侵入匈加利巴！同時速不臺濶端等，復自摩  
尔達亞維率兵來會。拔都之兵，如颶風驟雨，往往  
令人不及備，一日，又疾趨別悉圖與匈兵戰，匈王  
昔師迎擊，不利，遂拔別悉圖，屠其居民，而速不

台瀾端等軍，從摩爾達維亞間道侵入匈加利者，又  
拔魯陳府，進逼瓦爾得尹府，瓦爾得尹，為匈加利  
大都會，多富豪，有險可守，府民據以拒戰，蒙民  
知不易拔，退去數里，乘懈復擊，破之，火其城，  
室廬財貨蕩然！乃撤兵去，府民伏林箐間，伺其出  
擊之，及募兵圍別勒府，欲誘之出，乃縱俘虜，且

詔之曰：若歸則免死，府民信之，果未歸，既而悉  
殲之！蒙古人所視為可惧之國，必斬至於滅亡而後  
已！十三年——一二四一年——蒙兵渡多腦河；謀  
征服河以西各地，既拔斯多利噉尼，即移兵圍其他  
諸府，適太宗凶聞至，遂解圍歸，由是多腦河西，  
少被其害，而他方亦倖免屠毒。濶端所督攻斯多利

岷危之兵，奉太宗遺詔，追擊匈加利王，遂長驅赴  
拖勞與匈王對壘，匈王憂之，謀航海遠避，無何；  
濶端拔陣向太爾馬奔亞，襲破其附近各都府，所至  
屠居民，掠財貨，遂抵塞爾維，而拔都之兵，亦同時  
來會，蒙兵勇悍，所向雖金城湯池，無不風靡，會  
太宗殂，而歐西諸國，始免於兵禍者，亦云幸已！



太宗在位凡十三年而殂；厥後皇后臨朝稱制者凡五年，乃召諸王百官會於蒼蘭答八思——一作也只里問——議嗣，久不決，拔都初不欲往，以速不台堅請，遂赴會，奉貴由即位，三年而殂，号定宗！從弟蒙哥立。蒙哥聰明有大畧，沈斷寡言笑，不事宴飲，初：宗室之殂也；皇后稱制三年無君，因下其

議於諸王百官，洪王欲立太宗之孫失烈門，惟拔都  
首先推戴蒙哥，議遂決，是為憲宗，時宋淳祐十一  
年——一二五一——也。元年——一二五一——七

月，以皇弟忽必烈統治蒙汗民戶事，遣趙璧詣燕京  
接諭民軍，以牙老瓦赤充燕京等處行尚書事，以畏

兀兒為和林留守，處置別失八里——喀拉沙爾——

阿母河等行省事，是歲與兵伐吐番，誅其首鼠兩端  
者數人。二年——一二五二年——先是憲宗謀遷諸

王封地：遼濶端於別失八里，蔑里於葉兒的石河——

——厄爾齊斯河——海都於海押立——阿尔泰山以北

之地——別兒哥於曲兒只，朮脫脫於葉密立——以上

皆在伊犁以北之地——獨濶端以有推戴功於世祖之

世，得仍故封，是歲命旭兀烈率師西征，以兀良哈  
兒從，大軍發和林，向西進至阿模河，先伐布哈尔  
，以次破阿刺汀喀什米爾訛國；滅報達——波斯——  
襲天方——阿拉比亞——降之，又西取密昔兒，  
渡海畧富浪，降石羅子賓鏡等，轉向南俄，畧取疇  
昔未服各地，又南取是里灣國。旭兀烈轉戰英里，

所向無敵！遂留鎮於花刺子模。同時：憲宗又分討

諸國，令其弟忽必烈征大理——雲南省以南——吐

番，禿兒花撒丘征印度，怯的不花征沒奚里，而自

將分三道攻宋，所至輒下。九年——一二五九年——

憲宗進次錫魯山，不豫，七月遂殂，或云為流矢

所中，諸王大臣奉檣北還，弟忽必烈嗣，號曰世祖

，仁明英睿，事母至孝。至元元年——一二六四年

——世祖遷都於大興，改建國號曰元，十年，大發

諸道兵討宋，平之，統一中國！至元十四年——一

二七七年——河平王昔里吉叛，其封地在阿爾泰山

之北，東至厄爾齊斯河，西接烏拉嶺，與海都——

太宗之孫哈失之子——封地接壤，時海都亦恃封地

險遠，漸萌跋扈之志，昔里吉煽之共叛，以是海都  
興兵先掠畏兀爾，虜其種民，勢甚猖獗，諸王哇脫  
忽等應之，元兵每戰失利，於是海都兵長驅而侵和  
林，北邊大震，自此十數年間，海都等擾亂西北邊  
，殆無寧日，迨海都死，諸王先後來降，乃不剿自  
平。世祖傳數世至順帝二十七年——一三六七年——

明太祖起兵伐元；陷燕京，順帝奔上都，其後死  
於應昌，太子受猷識理達臘立，時王保保在和林，  
往依之，委以國政，遂復故号，仍称蒙古，改元宣  
光，領有漠南北土地，負隅不服，与明抗衡。當王  
保保之據和林也；明太祖數遣使撫之，不應，洪武  
五年——一三七二年——命徐達李文忠馮勝等，分



兵兩路討之，師至亦集乃路，岐王朵兒只班遁去，

李文忠進兵臚胸河——克魯倫河——兼程疾趨，敗

其將蠻子哈刺章於土刺河，追至鄂爾渾河而還，明

年徐達李文忠復遣將破之於答刺海口，無何王保保

死。先是愛猷傳位於次子脫古思帖木兒；改元天元

，明廷聞脫古思之在捕魚兒河也；於洪武二十一年

——一三八八年——遣藍玉出兵往大寧討之，晝夜

兼程，抵慶州，遇蒙兵，乃乘夜疾走而達捕魚兒河

，時蒙兵陣其東北數十里，會大風揚塵，不辨咫尺

，明兵出不意薄之，蒙兵大駭，令其將蠻子拒戰，

明兵繼擊，大破之，脫古思帖木兒與其太子天保奴

等，僅以數十騎遁去，明兵追之弗及，獲其次子；

及部酋二千九百餘，男女七萬七千餘口，家畜十五  
萬頭，脱古思謀走和林，至土拉河，其臣也速迭兒  
襲之，從騎皆散，所未去者，僅十六騎，元丞相咬  
住由和林率眾迎之，將往依濶濶帖木兒，值大雪，  
不得發，也速迭兒復來襲，并縊殺脱古思及其太子  
天保奴，部落由是盡潰。自帖古思帖木兒五傳而至

坤帖木兒，皆為其臣下所弑，遠族鬼力赤汗篡位，

自稱為可汗，去國號，改稱韃靼，部下以其非元嫡

裔，不肯從，酋長阿魯台等遂殺鬼力赤，而迎元裔

本雅失里於別失八里，立之為可汗。永樂六年——

四〇八年——文帝遺書欲臣之，不聽，旋派給事中

郭驥往諭意，本雅失里又殺之，會瓦剌部眾來襲，

本雅失里拒戰不利，遂與阿魯台等徙居臚朥河——

瓦剌為蒙古一部落在韃靼之西元之亡也其強巨猛可

帖木兒據之後分為三部各有長曰馬哈木曰太平曰把

禿索羅皆已受明之封爵者今之厄魯特種民是也——

永樂七年——一四〇九年——明帝興兵問戍使者之

罪；命淇國公邱福統五將軍出塞攻之，至臚朥河，

遇蒙古游騎，破之，乘勝薄其本營，蒙古佯敗，誘  
令深入，反擊，大敗之，五將軍皆戰死，敗耗聞，  
明帝大怒。永樂八年，遂決計親征，發兵五十萬，  
自將征之，本雅失里懼，將西奔，謀於阿魯台，阿  
魯台不從，獨向東而奔，自是蒙古之君臣始貳！國  
勢萎靡不復振！本雅失里聞明帝親征，惧而西奔，

明帝尾擊至幹維河，本雅失里拒戰而敗，絕跡而遁。  
明帝班師至靜鹵鎮，與阿魯台遇，亦大破之，乃  
奏凱而還。永樂十年——一四一二年——  
反刺馬哈木等乘本雅失里微弱，殺之，由是阿魯台與反刺等  
為讐，互相攻擊，窮蹙之餘，因降附於明，以復故  
主遊言為請，明廷義之，封為和甯王，未幾，復入寇。

興和。永樂二十年——一四二〇年——明帝親征阿

魯台，大破之，阿魯台奔依兀良哈，復擊兀良哈，

掃其巢穴而還。明置一衛於兀良哈，以成吉思汗之

弟哈薩爾之後裔領之，後自立，改國号曰科爾沁，

明洪熙間，為瓦剌所破，其酋長東奔嫩江避之，以

同族有阿祿科爾沁，乃自稱為嫩江科爾沁以區別之



其後族部繁衍，各領分地；如扎賚特，杜爾伯特，郭爾羅斯三部，皆自科爾沁所分者，然亦附庸於察哈爾。初：明帝封瓦剌之馬哈木為順甯王，欲羈縻之，然猶數為邊患，明帝不得已親往討之，大破其兵於忽蘭忽失溫，追奔至土喇河，瓦剌自是復降明，修職貢焉，及其子脫懽嗣位，仍襲封号，既而

自稱為可汗，欲襲阿魯台，眾不從，乃求元後裔脫  
脫不花而立之，屬之以阿魯部台民，而自為丞相執  
政，併有瓦剌全部喀喇沁等部亦屬焉，陽戴脫脫不  
花，其實固梗命也，繼又誘朵顏諸部，屢犯塞，脫  
脫不花死，其子也先嗣，亦為大師，勢益桀驁，雄視諸  
部，脫脫不花僅擁虛位而已，也先又以朝貢為名，

遣使者以三千餘人，向明廷肆意要索，不遂則啟釁

，所過無不抄掠。正統十四年——一四四六年——

也先大率入寇，脫脫不花沮之，不聽，遂分道而進

，使脫脫不花由兀良哈侵遼東；反刺之知院寇宣府

，使圍赤城，也先自率士眾入大同，欲進逼燕京，

明帝親率兵五十萬防之，大敗於土木！也先擁明帝

去，尋送還。是役也：明之將帥死者五十餘人，人

心渙散，國勢不振，幾不能再幸，而蒙古乃益跋扈

，屢犯邊，又出兵哈密，執其王，掠沙州，東破兀

良哈，遂并朝鮮亦被逼脅。景泰二年——一四一一

年——也先弒其王脫脫不花與明通，慮其將害己，

遂弒之而自立為汗，稱為田盛大可汗，東自女真；

兀良哈，野人衛，——皆滿洲地——西至蒙古；赤

斤，——安西州之地——哈密，咸受命約束，盡入版

圖，也先以是恃強益驕蹇。景泰五年——一四一四

年——瓦剌之知院攻殺也先，也先遂微弱不振，時

韃靼部酋長孛復攻破知院，求脫脫不花之子麻兒

可兒而立之，尊為小王子，由是元之後裔皆稱小王

子·索來與所屬毛里孩阿羅出等誑酋，均雄據一方

，屢犯明邊不已，及麻兒可兒死，部衆共立其兄脫

思兒，號為馬古可兒吉思小王子，其後韃靼部酋長益

專橫，小王子廢立悉由之，朝更暮置，無復君臣之

別，而小王子世次，歲於不可攷。成化初元：小王

子與部酋索來毛里孩等，占領河套，時部屬大亂，

字羅忽結毛里孩，斡羅出結朮加思蘭，各樹黨援，

互相襲殺，孛來乘其亂，殺小王子，毛里孩亦擊殺

孛來，更立他人為可汗，尋復弑之而驅逐斡羅出，

孛魯乃與斡羅出聯合謀抗之，時朮加思蘭及字羅忽

搆有河套，明屢征之，終不利，其後毛里孩諸部滿

魯都復入河套稱汗，而以朮加思蘭為大師。成化九

年——一四七三年——滿魯都孛羅忽等掠韋州，王

越敗之。初：朮加思蘭以其女妻滿魯都，欲代為可

汗，慮衆不服，謀殺滿魯都而立幹赤來為可汗，滿

魯都知之，索幹赤來，朮加思蘭匿而不與，滿魯都

攻走之，併有孛羅忽之衆，滿魯都酋亦思馬復攻殺

朮加思蘭而自為太師，其後滿魯都漸微，而仍稱小



王子，屢為明患。正德十三年——一五一八年——

小王子為阿著，阿著死，以其兄子卜赤為小王子，

稱赤克汗，阿著有三子；長吉囊率赤不剌部，居河

套，次俺答率火節部，居漠北，又次老把都，駐宣

府，塞外東西，互為出沒，而尤以俺答為最強。嘉

靖二十九年——一五五〇年——先是俺答由漠北移

駐威寧海子；大率謀部由潮河川南下，至古北口，

都御史王汝孝率薊鎮兵防之，俺答簡精騎，從間道

窺其背，前後夾擊，大破之，遂長驅掠懷柔，圍順

義，抵通州，分兵四出焚掠，近歲大震。及蒙兵薄

燕京，明諸將皆煥懦，堅壁清野，無敢迎敵者，蒙

兵以是大掠三日引去。當嘉十一年時：——一五三

三年——小**最**子**最**強，控弦十餘萬，所屬吉囊俺答等，屢寇邊牆，蹂躪諸州郡，西併青海西藏，徙其幕於遼東邊外，稱曰土蛮，復分留諸部落於西北，而俺答數集亡命，築城堡為自衛計，迭與土蛮分擾東西洪邊，由是疆土日闢，南至甘肅山西邊塞，北至永邵卜，東至喀喇沁，西至鄧尔多斯，有衆十餘

萬，号称富强。隆慶四年——一五七〇年——俺答

受明封爵，号順義王，名其城曰歸化，約束洮部，

不令入犯，置都督指揮千戶百戶等官，開市場凡十

一處，以便內外邊民貿易，西陲稍稍無事，而東部

土蛮，仍寇藪西不已，論者謂自有何套河東河西三

部，而明末邊陲，迄無寧歲云！西為今之青海蒙古

，东為今之內蒙古，河套則今之阿拉善鄂爾多斯也

·元之後裔：自小王卜赤，四傳而至林丹汗，稱為

呼圖克圖可汗，士馬最強，橫行漠南，數犯遼東，

嘗攻破喀喇沁白言其吉卜失兔諸部，乘勢內犯宣化

大同諸府，東西馳逐，所至劫掠。時：土默特部適

有繼承之爭，久無定主，雖俺答沿例襲明封号如故

，然亂終未已，馴至不振，丹林汗乘機奪而有之，

以是益憑陵諸部無所畏。時：察哈爾外，有二大部

，居北部者，曰喀爾喀，居東部者，曰科爾沁，分

據一方，互為雄長。林丹汗之侵陵諸部也：多不堪

，有從依喀爾喀及科爾沁者，林丹汗銜之，因合諸

部兵襲攻科爾沁，其酋長奧巴不能敵，遂與其兄弟

首先附清，而諸部亦相繼稱臣。時：鄂爾多斯苦林  
丹汗虐，謀於喀喇沁阿巴噶諸部，協擊之，破其衆  
四部於土默特，林丹汗於是招衰。鄂爾多斯者：於  
內蒙諸部為最強，當天順間，達延汗之第三子捭河  
套，稱鄂爾多斯，子七人，分領其衆，部族繁衍，  
勝兵十萬，号河套部，終明世，達延汗子孫據之。

廷臣屢議恢復，不果。（按河套於元世為西夏所據  
元之滅西夏以其地置中興二路地形東西北三面均黃  
河圍繞天然疆界形勝要害可戰可守凡占據斯地者均  
有負隅之勢常為邊徼患而於明代為尤甚稱為河套部  
終明之世廟堂恢復河套之議未嘗或寢也）



639.3  
4403

5985

黃慶瀾 編

蒙古史略

國史館圖書

分類號

639.3

著者號

4403  
~~1281~~

登錄號

5985

